

Broj: 01-01.3-2484-13/15 S.L.

Mostar, 04.09.2015. godine

Na osnovu člana 70. Zakona o javnim nabavkama ("Službeni glasnik BiH" broj 39/14 u daljem tekstu Zakona), te člana 15. Pravilnika o javnim nabavkama JP Autoceste FBiH d.o.o. Mostar i preporuke Komisije za javne nabavke konstatirane u Zapisniku o pregledu i ocjeni ponuda broj: 01-01.3-2484-12/15 S.L. od 02.09.2015. godine direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

ODLUKU
o izboru najpovoljnijeg ponuđača
u otvorenom postupku

I

Ugovor za nabavku radova: „Izvođenje geotehničkih istražnih radova za odabranu trasu na dionici Konjic-Mostar sjever (Tunel Prenj)“ u vrijednosti od **349.742,25 KM** sa uračunatim PDV-om dodjeljuje se ponuđaču: WINNER PROJECT Privredno društvo za projektovanje, inženjering i izvođenje specijalnih i završnih radova u građevinarstvu d.o.o. Sarajevo, sa registriranim sjedištem u ulici Terezije br. 58; 71000 Sarajevo, JIB: 4200197510009, koji je u otvorenom postupku podnio prihvatljivu ponudu sa najnižom cijenom.

II

Ponuda grupe ponuđača: "Rudarski institut" d.d. Tuzla; "Rudar" d.o.o. Tuzla i "Geoservis" d.o.o. Živinice se odbija u skladu sa članom 68. Zakona.
Ponuda grupe ponuđača: "IGH" d.o.o. Mostar; Institut "IGH" d.d. Zagreb i "Geocon" d.o.o. Čitluk se odbija u skladu sa članom 68. Zakona.

III

U skladu sa članom 70. stav (6) Zakona JP „Autoceste FBiH“ d.o.o. Mostar će ovu Odluku objaviti na svojoj internet stranici: www.jpautoceste.ba i to istovremeno s upućivanjem Odluke ponuđačima koji su učestvovali u postupku nabavke.

O b r a z l o ž e n j e

Javno preduzeće „Autoceste Federacije Bosne i Hercegovine“ društvo sa ograničenom odgovornošću Mostar je u skladu sa članom 88. Zakona o javnim nabavkama, pokrenulo otvoreni postupak broj: 01-01.3-2484/15 S.L. za nabavku radova: „Izvođenje geotehničkih

istražnih radova za odabranu trasu na dionici Konjic-Mostar sjever (Tunel Prenj)". Na Portalu javnih nabavki objavljeno je Obavještenje o nabavci broj: 266-1-3-460-3-66/15 dana 18.06.2015. godine.

Kriterij za dodjelu ugovora je „najniža cijena“.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 09.07.2015. godine u 12:30 sati u prostorijama Javnog preduzeća „Autoceste Federacije Bosne i Hercegovine“ d.o.o. Mostar, Operativni ured Sarajevo, Dubrovačka 6; Sarajevo, što je konstatirano u zapisniku o otvaranju ponuda u skladu sa Zakonom o javnim nabavkama (Sl. glasnik BiH br 39/14). Komisija je na javnom otvaranju ponuda konstatirala da su svoje ponude predala (3) tri ponuđača.

Komisija je prema članu 65. ZJN pristupila pregledu i ocjeni ponuda, što je evidentirano u Zapisniku o pregledu i ocjeni ponuda, koji je sastavni dio ove Odluke.

Shodno prijedlogu i preporuci Komisije za javne nabavke Ugovor za nabavku radova: „Izvođenje geotehničkih istražnih radova za odabranu trasu na dionici Konjic-Mostar sjever (Tunel Prenj)“ u vrijednosti od **349.742,25 KM** sa uračunatim PDV-om dodjeljuje se ponuđaču: WINNER PROJECT Privredno društvo za projektovanje, inženjering i izvođenje specijalnih i završnih radova u građevinarstvu d.o.o. Sarajevo, sa registriranim sjedištem u ulici Terezije br. 58; 71000 Sarajevo, JIB: 4200197510009, koji je u otvorenom postupku podnio prihvatljivu ponudu sa najnižom cijenom.

Ponuda grupe ponuđača: „Rudarski institut“ d.d. Tuzla; „Rudar“ d.o.o. Tuzla i „Geoservis“ d.o.o. Živinice se odbija u skladu sa članom 68. Zakona.

Ponuda grupe ponuđača: „IGH“ d.o.o. Mostar; Institut „IGH“ d.d. Zagreb i „Geocon“ d.o.o. Čitluk se odbija u skladu sa članom 68. Zakona.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda

**Izvršni direktor
za projektovanje i građenje:**

.....
dr. Jasmin Bučo

Direktor:

.....
mr.sc. Ensad Karić

Dostaviti:

- ponuđačima koji su predali ponude
- a/a

Broj: 01-01.3-2484-12/15 S.L.
Mostar, 02.09.2015. godine

Sastanci održani 09.07., 07.08., 28.08. i 02.09.2015. godine u prostorijama JP "Autoceste FBiH" d.o.o. Mostar.

Ugovorni organ je pokrenuo otvoreni postupak za dostavu ponuda koji se sprovodi u skladu sa članom 25. Zakona o javnim nabavkama.

Sastancima prisustvuju sva tri člana komisije imenovane rješenjem broj: 01-01.3-2484-7/15 S.L. od 08.07.2015. godine.

U skladu sa članom 65. Zakona o javnim nabavkama („Službeni glasnik BiH“, broj 39/14), članom 18. Uputstva za pripremu modela tenderske dokumentacije i ponuda i članom 14. Pravilnika o javnim nabavkama JP „Autoceste FBiH“ d.o.o. Mostar, Komisija dostavlja:

ZAPISNIK O PREGLEDU I OCJENI PONUDA u otvorenom postupku

- a) **Naziv i sjedište ugovornog organa:** JP "Autoceste FBiH" d.o.o. Mostar;
- b) **Predmet nabavke:** „Izvođenje geotehničkih istražnih radova za odabranu trasu na dionici Konjic-Mostar sjever (Tunel Prenj)“;
- c) **Evidencijski broj nabavke:** 01-01.3-2484/15 S.L. od 01.06.2015. godine;
- d) **Vrsta postupka javne nabavke:** Otvoreni postupak;
- e) **Procijenjena vrijednost nabavke:** 512.820,00 KM bez PDV-a;
- f) **Broj obavještenja o nabavci sa Portala javnih nabavki:** Obavještenje o nabavci broj: 266-1-3-460-3-66/15 objavljeno na Portalu javnih nabavki dana 18.06.2015. godine, Sažetak obavještenja o nabavci objavljen u "Službenom glasniku BiH" broj 49/15;
- g) **Datum početka pregleda i ocjene ponuda:** Komisija je počela da pregleda ponude 09.07.2015. godine;
- h) **Naziv i sjedište svih ponuđača, prema redoslijedu zaprimanja ponuda:**
 - 1. Grupa ponuđača: "Rudarski institut" d.d. Tuzla, "Rudar" d.o.o. Tuzla i "Geoservis" d.o.o. Živinice; koja je ponudila cijenu u vrijednosti od 519.914,54 KM sa uračunatim popustom od 10% i uračunatim PDV-om;
 - 2. "WINNER PROJECT" d.o.o. Sarajevo, koji je ponudio cijenu u vrijednosti od 349.742,25 KM sa uračunatim PDV-om;
 - 3. Grupa ponuđača: Institut "IGH" d.o.o. Mostar; "IGH" d.d. Zagreb i "GEOCON" d.o.o. Čitluk, koji je ponudio cijenu u vrijednosti od 485.945,46 KM sa uračunatim PDV-om;

Napomena:
Ponuđač "IRGO CONSULTING" d.o.o. Ljubljana je dostavio ponudu poslije roka određenog u tenderskoj dokumentaciji i Obavještenju o nabavci, odnosno ponuda je dostavljena neblagovremeno.
- i) **Analitički prikaz traženih i dostavljenih dokumenata na osnovu kojih se utvrđuje postojanje ili razlozi isključenja ponuđača:**

R. B.	ANALIZA, PREGLED I OCJENA PONUDA	NAZIV PONUĐAČA		
	„Izvođenje geotehničkih istražnih radova za odabranu trasu na dionici Konjic-Mostar sjever (Tunel Prenj)“	Grupa ponuđača: "Rudarski institut" d.d. Tuzla, "Rudar" d.o.o. Tuzla i "Geoservis" d.o.o. Živinice	"WINNER PROJECT" d.o.o. Sarajevo	Grupa ponuđača: "IGH" d.o.o. Mostar, Institut "IGH" d.d. Zagreb; i "GEOCON" d.o.o. Čitluk
I.				
1.	<p>Lična sposobnost. Uvjet: U skladu sa članom 45. Zakona, ponuda će biti odbijena ako je ponuđač:</p> <p>a) u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan;</p> <p>b) pod stečajem ili je predmet stečajnog postupka, osim u slučaju postojanja važeće odluke o potvrđi stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan;</p> <p>c) nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan;</p> <p>d) nije ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan.;</p> <p>a) Dokaz: U svrhu ispunjavanja uslova iz prethodne tačke ponuđači trebaju dostaviti Izjavu ovjerenu kod nadležnog organa (organ uprave ili notar) da se na njih ne odnose slučajevi definisani tačkom 7.1.1 od a) do d) tenderske dokumentacije. Izjava se dostavlja u formi utvrđenoj Aneksom 5 tenderske dokumentacije;</p>	+	+	+
2.	<p>Sposobnost obavljanja profesionalne djelatnosti Uvjet: pravo ponuđača na obavljanje profesionalne djelatnosti koja je u vezi sa predmetom nabavke, u skladu sa članom 46. Zakona i/ili da su registrirani za obavljanje predmetne djelatnosti u relevantnim profesionalnim ili trgovačkim registrima;</p> <p>Dokaz: U svrhu dokazivanja prava na obavljanje profesionalne djelatnosti, u skladu sa članom 46. Zakona, ponuđač mora dostaviti dokaz o registraciji u odgovarajućem profesionalnom ili drugom registru u zemlji u kojoj je registriran ili da obezbijedi posebnu izjavu ili potvrdu nadležnog organa kojom dokazuje njegovo pravo da obavlja profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originali ili ovjerene kopije;</p>	+	+	+
3.	<p>- tehničku i profesionalnu sposobnost u s tehničku i profesionalnu sposobnost u skladu sa članom 50. Zakona (uvjet/dokaz): Uvjet: - da ponuđač posjeduje uspješno iskustvo u realizaciji najmanje jednog ugovora, čiji je karakter i obim isti ili sličan radovima koji su predmet nabavke: izvođenje i interpretacija inženjersko geoloških radova i geofizike (seizmička metoda "Refraction Mikrotremor" tehnika i geoelektrične metode ispitivanja na minimalno jednoj dionici autoceste ili brze ceste), u iznosu od 100.000,00 KM u prethodnih pet godina.</p> <p>Dokaz u svrhu dokazivanja tehničke i profesionalne sposobnosti ponuđač je dužan dostaviti: Spisak uspješno izvršenih ugovora o izvedenim radovima koji su predmet nabavke u posljednjih 5 (pet) godina, ili od datuma registracije, odnosno početka poslovanja, ako je ponuđač registriran, odnosno počeo da radi prije manje od pet godine.</p>	+	+	+

	<p>Uz spisak izvršenih ugovora ponuđač je dužan dostaviti potvrdu (za ugovor u vrijednosti 100.000,00 KM za izvođenje i interpretaciju inženjersko geoloških radova i geofizike (seizmička metoda "Refraction Mikrotremor" tehnika i geoelektrične metode ispitivanja) na minimalno jednoj dionici autoceste ili brze ceste koju su izdali naručitelji radova, a koja obavezno sadrži naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenom ugovoru. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenom ugovoru, uz predočenje dokaza o učinjenim pokušajima da se takva potvrda obezbijedi;</p> <p>Uvjet:</p> <p>b) da imaju na raspolaganju ključno osoblje:</p> <p>i) 1 (jedan) inženjer za geotehniku (odgovorni projektant za geotehniku) građevinske ili srodnih struka (geologija ili rudarstvo) sa položenim stručnim ispitom ili ekvivalentnom tehničkom kvalifikacijom, 5 godina radnog iskustva u struci i 3 godine iskustva na poslovima geotehnike u oblasti niskogradnje;</p> <p>ii) najmanje 1 (jedan) inženjer za geotehniku (projektant suradnik za geotehniku) građevinske ili srodnih struka (rudarstvo ili geologija) sa položenim stručnim ispitom ili ekvivalentnom tehničkom kvalifikacijom sa najmanje 5 godina radnog iskustva u struci i 3 godine na poslovima geotehnike u oblasti niskogradnje,</p> <p>iii) 1 (jedan) inženjer za geologiju (odgovorni projektant za geologiju) diplomirani inženjer geologije sa položenim stručnim ispitom ili ekvivalentnom tehničkom kvalifikacijom iz zemlje iz koje dolazi, te sa najmanje 5 godina radnog iskustva u struci i tri godine na poslovima geologije u oblasti niskogradnje;</p> <p>c) da imaju na raspolaganju opremu za izvođenje predmetnih radova;</p> <p>d) da ispunjavaju uvjet za bavljenje registrovanom djelatnošću iz oblasti geologije za obavljanje djelatnosti izvođenja istražnih geoloških radova;</p> <p>e) da će privredni subjekt obezbijediti „Ovlaštenje Federalnog ministarstva prostornog uređenja“ (Uredba o uređenju gradilišta, obaveznoj dokumentaciji na gradilištu i sudionicima u građenju - Službene Novine Federacije BiH br.48/09, 75/09) za obavljanje djelatnosti koji su predmet ovog ugovora.</p> <p>Dokaz:</p> <p>Ispunjenost ostalih uvjeta tehničko-profesionalne sposobnosti u skladu sa članom 51. Zakona, ponuđač dokazuje dostavljanjem Izjave ovjerene od strane ponuđača, kojom pod punom materijalnom i krivičnom odgovornošću potvrđuje da ispunjava tražene uvjete za učešće u postupku javne nabavke navedene u tački 7.4.1. (od b) do e)). Izjava je prilog tenderskoj dokumentaciji (Aneks 7).</p>	-	+	-
		+	+	+
	<p>U slučaju da ponudu dostavlja grupa ponuđača, ugovorni organ će ocjenu ispunjenosti kvalifikacionih uvjeta od strane grupe ponuđača izvršiti na slijedeći način:</p> <p>grupa ponuđača kao cjelina mora ispuniti uvjete koji su navedeni u tački 7.4.1. b) i c) tenderske dokumentacije, te članovi grupe ponuđača moraju dostaviti dokumentaciju kojom dokazuju ispunjavanje postavljenih uvjeta, na način na koji su predviđeni da se dostavljaju dokazi;</p> <p>uvjete koji su navedeni pod tačkom 7.1.1, 7.2.1 i 7.4.1 d) i e) mora ispunjavati svaki član grupe ponuđača pojedinačno, te svaki od članova grupe ponuđača mora dostaviti dokumentaciju kojom dokazuje ispunjavanje postavljenih uvjeta, na način na koji su predviđeni da se dostavljaju dokazi;</p>	+	+	+
		+	+	-
II.	Ispunjenost uvjeta u pogledu dostavljanja svih potrebnih dokumenata prema sadržaju ponude:			
1.	Pravilno popunjen obrazac za ponudu koji je dat u Aneksu 2 tenderske dokumentacije, odnosno obrazac koji sadrži sve elemente definisane Aneksom 2;	+	+	+
2.	Pravilno popunjen obrazac za cijenu ponude koji je dat u formi kao Aneks 3 tenderske dokumentacije;	+	+	+
3.	Originalna bankarska garancija za ozbiljnost ponude u iznosu od 7.500,00 KM;	+	+	+

4.	Kvalifikacioni dokumenti predviđeni tačkom 7. TD: - Izjava o ispunjenosti uvjeta iz člana 45. stav (1) tačke a) do d), u skladu sa formom Izjave datoj u Aneksu 5, - ovjerene kopije dokumenata kojima ponuđač dokazuje ispunjenost uvjeta iz člana 46. stav (1) do (2) (<i>dokaz o registraciji</i>), - Izjave i potvrde kojima ponuđač dokazuje tehničku i profesionalnu sposobnost (<i>Spisak izvršenih ugovora, potvrdu za 1 uspješno izvršen ugovor u iznosu od 100.000,00 KM – Aneks 9, Izjava o ispunjavanju uvjeta tehničke i profesionalne sposobnosti u skladu sa Aneksom 7</i>);	+	+	+
5.	Obrazac povjerljivih informacija, u skladu sa Aneksom 4 – ukoliko ih ponuđač ima;	+	+	+
6.	Potpisan i parafiran prijedlog nacрта ugovora - koji je sastavni dio tenderske dokumentacije kao Aneks 6;	+	+	+
7.	Izjava o sukobu interesa potpisana i ovjerena od strane ponuđača (Aneks 8);	+	+	+
8.	Pravilno popunjene Predmjer radova i Strukturu cijene, te parafiran Projektni zadatak (Aneks 15);	-	+	+
9.	Pravilno popunjena Izjava kojom se dokazuje ispunjavanje uvjeta za primjenu preferencijalnog tretmana domaćeg zaokruživanjem tačke koja odgovara stanju ponuđača u sklopu Aneksa 2;	+	+	+
10.	Ponuda mora biti potpisana od strane odgovorne osobe za predstavljanje ponuđača (navedenom u Izvodu iz sudskog registra, rješenju o registraciji) ili osobe ovlaštene od strane odgovorne osobe ponuđača pisanom punomoći za potpisivanje ponude (u kojem slučaju se uz ponudu prilaže punomoć). Punomoć, u slučaju grupe ponuđača mora biti dana od svih ovlaštenih osoba za zastupanje svih članova grupe ponuđača.	+	+	+
11.	Ponuda mora biti ovjerena pečatom podnosioca ponude, ako po zakonu države u kojoj je sjedište podnosioca ponude podnosilac ponude ima pečat ili dokaz da po zakonu države u kojoj je sjedište ponuđača podnosilac ponude nema pečat;	+	+	+
12.	Popis dokumentacije koja je priložena uz ponudu.	+	+	+
III.	Prikaz prihvatljivosti ponuda prema obliku, sadržaju i potpunosti i ostalih uvjeta iz tenderske dokumentacije			
1.	Cjelovitost ponude	+	+	+
2.	Uvezana u cjelinu /knjiga, obezbjeđena jemstvenikom/	+	+	+
3.	Ponuda napisana neizbrisivom tintom	+	+	+
4.	Pravilno numerirana ponuda	+	+	+
5.	Ponuda napisana na jednom od službenih jezika u BiH	+	+	+
6.	Dostavljena kopija ponude	+	+	+
7.	Ispravke u ponudi	+	-	+
8.	Računske greške	-	-	-
9.	Izmjene/dopune ponude i odustajanje od ponude	-	-	-
10.	Ispunjenost zahtjeva u pogledu opisa predmeta nabavke i tehničkih specifikacija	+	+	+
11.	Prihvatljivost ponude (da/ne)	ne	da	ne

Objašnjenje oznaka: “+“ (da, dostavljeno/postoji, pravilno popunjeno) “-“ (ne, nije dostavljeno / ne postoji, nije pravilno popunjeno)

j) Naziv i sjedište ponuđača čije ponude se odbijaju na osnovu rezultata pregleda i ocjene ponuda, te obrazloženje razloga za njihovo odbijanje za svakog ponuđača posebno:

1. Ponuda Grupe ponuđača: “Rudarski institut” d.d. Tuzla; “Rudar” d.o.o. Tuzla i “Geoservis” d.o.o. Živinice ispunjava kvalifikacione uvjete u pogledu ispunjavanja lične sposobnosti i sposobnosti za obavljanje profesionalne djelatnosti i djelomično ispunjava uvjete tehničke i profesionalne sposobnosti u postupku nabavke radova (član 51. Zakona). Naime, Ponuđač je dostavio Spisak izvršenih ugovora uspješno izvedenih radova u posljednjih pet godina – Aneks 9 (str. 26. ponude) u kome je naveo radove: 1. “Angažovanje rukovodioca geološke službe i referenta na poslovima detaljnih geoloških istraživanja, geološkog praćenja i

kartiranja” za naručitelja: “Euro-Asfalt” d.o.o., Rajlovac bb; Sarajevo” u vrijednosti 150.794,00 KM u periodu “od septembra 2011 do maja 2013. godine”; 2. “Izvođenje geofizičkih istražnih ispitivanja uz primjenu seizmičkih metoda refrakcije i refleksije na rejonu brda Ključ, lokalitet “Bakovići” kod Fojnice” za naručitelja “BBM” d.o.o. Sarajevo, Branislava Đurđeva 6, Sarajevo” u vrijednosti od 22.000,00 KM period izvođenja radova od 06.03.2014. godine; 3. “Izvođenje radova geofizičkih ispitivanja sa izradom izvještaja u sklopu izrade projekta Nabavka usluga detaljnih geoloških i hidrogeoloških kartiranja, geofizičkih” za naručitelja “Bušenje” d.o.o. Tuzla, Mitra Trifunovića, Tuzla” u vrijednosti od 25.200,00 KM period izvođenja radova od 01.10.2014. do 20.12.2014. godine. Spisak je potpisan od strane ovlaštene osobe ponuđača. Kao dokaz za navedene radove (str.27,28 i 29. ponude) ponuđač je dostavio kopije potvrda o izvršenim radovima od naručitelja “Euro-Asfalt” d.o.o. Sarajevo, “Rudar” d.o.o. Tuzla i “Bušenje” d.o.o. Tuzla. U potvrdi “Euro-Asfalt” d.o.o. Sarajevo je navedeno kao vrsta izvršenih radova/usluga: “Angažovanje rukovodioca geološke službe i referenta na poslovima detaljnih geoloških istraživanja, geološkog praćenja i kartiranja”.

Iz priložene potvrde je vidljivo da gore navedena grupa ponuđača nema traženo uspješno iskustvo u realizaciji najmanje jednog ugovora, čiji je karakter i obim isti ili sličan radovima koji su predmet nabavke: izvođenje i interpretacija inženjersko geoloških radova **i geofizike (seizmička metoda “Refraction Mikrotremor” tehnika i geoelektrične metode ispitivanja** na minimalno jednoj dionici autoceste ili brze ceste) u iznosu od 100.000,00 KM u prethodnih pet godina, kako je traženo tačkom 7.4.1. a) tenderske dokumentacije.

Također, ponuda sadrži i sljedeće formalno – pravne nedostatke:

Ponuđač je u dijelu ponude “Struktura cijene ponude” (str.114 ponude) stavka A.3. “Ugradnja piezometara i praćenje NPV-a” u originalnom obrascu dopisao “(sa ispitivanjem VDP)” što je neprihvatljivo za Ugovorni organ. U skladu sa tačkom 5.4. tenderske dokumentacije: “Od ponuđača se očekuje da dobro prouče ovu tendersku dokumentaciju, sva uputstva i obrasce i ostale uvjete. Zainteresovani ponuđači mogu tražiti pojašnjenje tenderske dokumentacije od ugovornog organa u pisanoj formi, i to blagovremeno, a najkasnije 10 (deset) dana prije isteka roka za podnošenje ponuda. Ukoliko ponuđači ne dostave svu traženu dokumentaciju ili ne ispoštuju sve uvjete iz tenderske dokumentacije ponuda će im biti odbijena kao neprihvatljiva.” ponuđači su mogli tražiti pojašnjenje tenderske dokumentacije a ne svojevrijedno ispravljati dio tenderske dokumentacije.

Ponuđač je na više mjesta ispravljao korektorom numeraciju stranica ponude bez navođenja datuma ispravke što je u suprotnosti sa tačkom 8.1.4 “Ponuda se izrađuje na način da čini cjelinu (uvezana kao knjiga ili obezbjeđena jemstvenikom) i mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, **uz navođenje datuma ispravke....”**

U ponudi su vršene ispravke u Spisku ključnog osoblja ali iste ne utječu na prihvatljivost ponude.

Dakle, ponuda grupe ponuđača: “Rudarski institut” d.d. Tuzla; “Rudar” d.o.o. Tuzla i “Geoservis” d.o.o. Živinice se odbija u skladu sa članom 68. Zakona.

2. Ponuda Grupe ponuđača: “IGH” d.o.o. Mostar; Institut “IGH” d.d. Zagreb i “Geocon” d.o.o. Čitluk ispunjava kvalifikacione uvjete u pogledu ispunjavanja lične sposobnosti i sposobnosti za obavljanje profesionalne djelatnosti i djelomično ispunjava uvjete tehničke i profesionalne sposobnosti u postupku nabavke radova (član 51. Zakona). Naime, Ponuđač je dostavio Spisak izvršenih ugovora uspješno izvedenih radova u posljednjih pet godina – Aneks 9 (str. 52./185 ponude za ponuđača IGH d.o.o. Mostar) u kome je naveo radove: 1. “Izrada projektne dokumentacije za saniranje putnog pravca M-17-Čole-Lager i uređenje korita rijeke Željeznice....” za naručitelja: “Općina Žepče” u vrijednosti 195.390,00 KM u periodu “juli-novembar 2014. godine”; 2. “Izrada Geotehničkog projekta (Misijom G21) kao dijela GP...” za naručitelja “KONCING” d.o.o. Posušje, u vrijednosti od 31.041,00 KM period izvođenja radova januar-april 2014. godine; 3. “Za izradu geomehaničkih laboratorijskih ispitivanja I geotehničkih misija G31 I G32 za 7 objekata u sklopu koridora Vc, dionica Svilaj-Odžak....” za naručitelja “Tempo-Vranica” d.o.o. Mostar” u vrijednosti od 60.031,00 KM period izvođenja radova od februar 2013. – juni 2015. godine. Spisak je potpisan od strane ovlaštene osobe

ponuđača. Kao dokaz za navedene radove (str.54./185 i 55./185. ponude) ponuđač je dostavio kopije potvrda o izvršenim radovima od naručitelja "Općina Žepče" i "CENGIZ İnşaat". U potvrdi "Općina Žepče" je navedeno kao predmet ugovora: "Izrada projektne dokumentacije za saniranje putnog pravca M17-Čole-Lager, uređenje korita rijeke Željeznice, saniranje putnog pravca Stara Cesta – Papratnica, uređenje korita rijeke Papratnice i uređenje korita potoka Džamija".

Iz priložene potvrde je vidljivo da gore navedeni član grupe ponuđača nema traženo uspješno iskustvo u realizaciji najmanje jednog ugovora, čiji je karakter i obim isti ili sličan radovima koji su predmet nabavke: izvođenje i interpretacija inženjersko geoloških radova i geofizike (seizmička metoda "Refraction Mikrotremor" tehnika i geoelektrične metode ispitivanja na minimalno jednoj dionici autoceste ili brze ceste) u iznosu od 100.000,00 KM u prethodnih pet godina, kako je traženo tačkom 7.4.1. a) tenderske dokumentacije.

Na str. 55/185 ponude dostavljen je Spisak izvršenih ugovora za Institut "IGH" d.d. Zagreb, a na stranici 56/185 ponude Ponuđač je dostavio Potvrdu "Hrvatskih Autoceste" d.o.o. Zagreb da je član grupe ponuđača Institut IGH d.d. Zagreb uspješno izvršio: "Geološki, geofizički i geotehnički istražni radovi, geotehnički elaborate i geotehnički projekti u iznosu od 9.800.715,00 kuna datum početka i dovršetka 18.08.2004. do 30.11.2007. godine Jadranske Autoceste, dionica Senj-Žuta Lokva. Iz navedenog je vidljivo da su radovi izvršeni 2007. godine, tj. prije osam godina, te dostavljena potvrda za uspješno iskustvo nije važeća.

Na str. 58/185 ponude dostavljen je Spisak izvršenih ugovora za Geocon d.o.o. Čitluk, a na stranici 61/185 ponude Ponuđač je dostavio Potvrdu "EFT-HE Ulog" Kalinovik da je član grupe ponuđača Geocon d.o.o. Čitluk uspješno izvršio: "Istražno bušenje sa jezgrovanjem, ispitivanje VDP-a i ugradnja piezometara u iznosu od 200.000,00 KM datum sklapanja ugovora 31.05.2012. godine, a datum završetka posla 30.11.2015. godine. Iz priložene potvrde je vidljivo da gore navedeni član grupe ponuđača ne posjeduje traženo iskustvo, odnosno kompletna grupa ponuđača nema traženo uspješno iskustvo u realizaciji najmanje jednog ugovora, čiji je karakter i obim isti ili sličan radovima koji su predmet nabavke: izvođenje i interpretacija inženjersko geoloških radova i geofizike (seizmička metoda "Refraction Mikrotremor" tehnika i geoelektrične metode ispitivanja na minimalno jednoj dionici autoceste ili brze ceste) u iznosu od 100.000,00 KM u prethodnih pet godina, kako je traženo tačkom 7.4.1. a) tenderske dokumentacije.

Ponuđač je u skladu sa tačkom 7.4.2 *Ocjena tehničke i profesionalne sposobnosti ponuđača će se izvršiti na osnovu jednog ili više dokaza: podtačka b): „Izjavu ovjerenu od strane ponuđača da ponuđači ispunjavaju ostale uvjete tehničke i profesionalne sposobnosti navedene u tački 7.4.1. (od b) do e)). Izjava se dostavlja u formi utvrđenoj Aneksom 7 tenderske dokumentacije“* dostavio traženu za Izjavu za sve članice grupe ponuđača, a u istoj nije popunio **precizne podatke vezane za zahtjev iz tenderske dokumentacije** (da imaju na raspolaganju ključno osoblje; c) da imaju na raspolaganju opremu za izvođenje predmetnih radova; d) da ispunjavaju uvjet za bavljenje registrovanom djelatnošću iz oblasti geologije za obavljanje djelatnosti izvođenja istražnih geoloških radova; e) da će privredni subjekt obezbijediti „Ovlaštenje Federalnog ministarstva prostornog uređenja“ (Uredba o uređenju gradilišta, obaveznoj dokumentaciji na gradilištu i sudionicima u građenju - Službene Novine Federacije BiH br.48/09, 75/09) za obavljanje djelatnosti koje su predmet ovog ugovora), tako da iz priložene Izjave nije vidljivo da grupa ponuđača ispunjava sve tražene uvjete iz tačke 7.4.1. i tačke 7.5. tenderske dokumentacije.

Ponuda sadrži i sljedeće formalno – pravne nedostatke:

Ponuđač je na više mjesta ispravljao korektorom numeraciju stranica ponude bez navođenja datuma ispravke što je u suprotnosti sa tačkom 8.1.4 "Ponuda se izrađuje na način da čini cjelinu (uvezana kao knjiga ili obezbjeđena jemstvenikom) i mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, **uz navođenje datuma ispravke...."**

Dakle, ponuda grupe ponuđača: "IGH" d.o.o. Mostar; Institut "IGH" d.d. Zagreb i "Geocon" d.o.o. Čitluk se odbija u skladu sa članom 68. Zakona.

k) Podaci o pojašnjenju ponuda: Od ponuđača nije traženo objašnjenje ponude;

l) Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:

Sve ponude ispunjavaju zahtjeve u pogledu opisa predmeta nabavke i tehničkih specifikacija.

m) Podaci o ispravkama računskih grešaka u ponudama ako ih je bilo:

Prilikom računске kontrole nisu konstatirane računске greške.

n) Razlozi za odbijanje ponude zbog neprirodno niske cijene: Nije primjenjivo

o) Analiza prihvatljivih ponuda prema kriteriju za izbor ponude: Kriterij za dodjelu ugovora je „najniža cijena“

R.B.	CIJENA PRIHVATLJIVIH PONUDA	PONUĐAČ
		“WINNER PROJECT” d.o.o. Sarajevo
1.	Cijena bez PDV-a:	298.925,00
2.	Popust:	-
3.	Cijena sa popustom:	298.925,00
4.	Iznos PDV-a:	50.817,25
5.	Ukupna cijena sa PDV-om:	349.742,25

p) Rangiranje prihvatljivih ponuda prema kriteriju za izbor ponude:

NAZIV PONUĐAČA	CIJENA IZ OBRASCA PONUDE (sa uklj. PDV-om) (KM)	KORIGIRANE VRIJEDNOSTI		KORIGIRANI IZNOS CIJENE IZ PONUDE (KM)	Napomena:
		MATEM. GREŠKE	POPUSTI		
1. “WINNER PROJECT” d.o.o. Sarajevo	349.742,25	-	-	349.742,25	-

q) Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:

Ugovorni organ namjerava zaključiti ugovor sa ponuđačem: WINNER PROJECT Privredno društvo za projektovanje, inženjering i izvođenje specijalnih i završnih radova u građevinarstvu d.o.o. Sarajevo, sa registriranim sjedištem u ulici Terezije br. 58; 71000 Sarajevo, JIB: 4200197510009. Ponuđač je dostavio prihvatljivu ponudu sa najnižom cijenom;

r) Podaci o dijelu ugovora koji se daje u podugovor i podaci o podizvođaču:

Ponuđač je izrazio namjeru podugovaranja: Podugovarač Geolab d.o.o. Sarajevo za laboratorijska ispitivanja u iznosu od 13% - 37.500,00 KM. Plaćanje podugovaraču će se izvršiti indirektno;

s) Podaci o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci:

Tražene dokaze za kvalifikaciju ponuđača u pogledu lične sposobnosti – član 45. Zakona, ponuđač će dostaviti u roku od 5 (pet) dana od dostavljanja Odluke o izboru, dok je dokaze o ispunjavanju tehničke i profesionalne sposobnosti dostavio u sklopu ponude;

t) Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:

Komisija daje prijedlog direktoru Javnog preduzeća “Autoceste Federacije Bosne i Hercegovine” društvo sa ograničenom odgovornošću Mostar da donese Odluku o izboru

najpovoljnijeg ponuđača: WINNER PROJECT Privredno društvo za projektovanje, inženjering i izvođenje specijalnih i završnih radova u građevinarstvu d.o.o. Sarajevo, sa registriranim sjedištem u ulici Terezije br. 58; 71000 Sarajevo, JIB: 4200197510009, sa kojim će ugovorni organ zaključiti ugovor za nabavku radova: „Izvođenje geotehničkih istražnih radova za odabranu trasu na dionici Konjic-Mostar sjever (Tunel Prenj)“ u vrijednosti od **349.742,25 KM** sa uračunatim PDV-om.

Ponuda grupe ponuđača: “Rudarski institut” d.d. Tuzla; “Rudar” d.o.o. Tuzla i “Geoservis” d.o.o. Živinice se odbija u skladu sa članom 68. Zakona.

Ponuda grupe ponuđača: “IGH” d.o.o. Mostar; Institut “IGH” d.d. Zagreb i “Geocon” d.o.o. Čitluk se odbija u skladu sa članom 68. Zakona.

u) Datum završetka postupka pregleda i ocjene ponuda: Komisija je završila pregled i ocjenu ponuda dana 02.09.2015. godine;

v) Ime i prezime te potpis ovlaštenih predstavnika ugovornog organa koji su izvršili pregled i ocjenu ponuda:

Članovi komisije:

Aida Demir, predsjednik komisije..... 

Lejla Hodžić, član komisije 

Samra Imamović, član komisije 

Za sekretara Komisije imenovana je Aida Zeba;

w) Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe, i sl.): Nije primjenjivo.



Saglasan:

.....
mr.sc. Ensad Karić, direktor